



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Capituli Metropolitanæ Mediolanensis Procuratorum.

**urn:nbn:de:hbz:466:1-10502**

suum certum missum, nuncium, & procuratorem &c. R. D. Albergonum Canonicum absentem tanquam presentem solum & insolidum specialiter nominatum & expressè, ad ipsius Reuerendiss. D. Episcopi Nouariensis procuratorio nomine, & pro eo comparèdum coram Illustriss. & Reuerendiss. D. D. Carolo S. R. E. tit. S. Praxedis Presbytero Cardinali Mediolani Archiepiscopo, & cæteris Reuerendiss. DD. comprouincialibus Episcopis, & quibuscunque aliis ecclesiasticis uiris, qui eidem Synodo prouinciali intererunt anno presentis die 10. Maij, quæ erit feria quinta Dominicæ tertiæ post Pascha Resurrectionis Domini nostri Iesu Christi inchoandæ & celebrandæ, & causam prædictam pro qua idem Reuerendiss. D. constituens legitime impeditus non potest ipsi Synodo interesse coram præfact. Illustriss. & Reuerendiss. DD. Metropolitanano tanquam notoriam deducendam, de eaque si expedierit, fidem faciendum, & eam causam tanquam legitimam recipi & admitti petendum & faciendum: Tum eius Reuerendiss. Dom. constituentis & eius Ecclesiæ Nouariensis nomine suscipiendum, recipiendumve, quæcunque canonum Tridentiniquæ Concilii auctoritate in ipsa Synodo, acta, gesta, constituta, decreta sancita ue erunt, & ea obseruare iureiurando (si expedierit) promittendum, & eis subscribendum, & generaliter omnia & singula alia dicendum, faciendum, petendum, suscipiendum, recipiendum, promittendum, iurandum, & subscribendum, quæ idem Reuerendiss. Dom. constituens dicere, facere, petere, suscipere, recipere, promittere, iurare, & subscribere possit si præsens esset: Dans, & concedens eidem Reuerend. D. Procuratori suo in omnibus & singulis præmissis, & dependentibus, emergentibus, annexis, & connexis, plenum, amplum, & liberum, & generale mandatum, cum plena ampla libera & generali & speciali administratione; etiam si talia forent, quæ mandatum exigent magis speciale, quàm præ-

sentis sit expressum, & promittit & promittit &c.

Introductio & comparitio Procuratorum Capitulorum.

Postquam procuratores Reuerendissimorum DD. Episcoporum absentium fuerunt singulatim introducti, ut superius connotatum est, immediateque his conceptis verbis alta & clara voce per Cancellarium vocati. Accedant procuratores capitulorum, qui uolunt audiri. Mox per Reuerend. Dom. Archidiaconum ut supra dictum est de procuratoribus Episcoporum, ad Illustrissimum D. Metropolitanum introducti hac uerborum prolatione. Illustrissime Metropolitanæ, ad sunt procuratores capitulorum huius Sanctæ Metropolitanæ Ecclesiæ Mediolanensis, Auenensis, Nouariensis, Alexandrinensis, Intimiliensis, Casalenfis, Sauonenfis, Vigleuanensis, qui uolunt audiri. & singuli accesserunt ad Illustrissimum Metropolitanum, cui reuerenter suum exhibuerunt procuratorium authenticum subsequenter tenoris.

Capituli Metropolitanæ Mediolanensis Procuratorium.

IN nomine Domini &c. Et pro eis comparandum, interueniendum, & assistendum in Concilio prouinciali sexto de presentis celebrando in præfata Ecclesia Metropolitana Mediolanensis, sub Illustriss. & Reuerendiss. Dom. Carolo tit. Sanctæ Praxedis Presbytero Cardinali, Sanctæ Mediolanensis Ecclesiæ Archiepiscopo, ac in quibuscunque sessionibus superinde fiendis & tenendis, & quibuscunque congregationibus priuatis & generalibus, tam in palatio Archiepiscopali Mediolani, quàm in dicta Ecclesia & alibi seruandis & tenendis, ac eorum uotum dicendum & ferendum, ac omnia alia faciendum, quod præfat. M. R. Do. constituentis facere possent, si personaliter adessent. Et generaliter &c. Dantes &c. & uolentes &c. Promittentes &c. Releuantes &c. & de prædictis &c. Actum &c.

Postquam procuratores capitulorum auditi fuerunt, uocati sunt testes synodales his conceptis uerbis per Cancellarium. Accedant testes synodales. Et cum plures

plures assurrexissent, Reuer. D. Archidiaconus ad Illustriss. Metropolitanum eos introduxit his verbis: Illustrissime Metropolitanane, ad sunt testes synodales. & singuli cum reuerentia accedentes, suam relatione scripto exaratam exhibuerunt.

Postmodum vocati sunt canonici his verbis. Accedant Canonici, & si qui volunt audiri, & cum nulli adessent Canonici, post modicum temporis interualum vocati sunt parochi hoc modo. Accedant parochi si qui volunt audiri. & cum nulli adessent parochi, vocati sunt clerici his verbis: Accedant clerici si qui volunt audiri. Et cum nulli adessent clerici pro audientia, vt finis vocationi tandem imponeretur, vt sup. vocati sunt & laici hac verborum conceptione. Accedant laici, & alii quicumque volunt audiri. Et cum nullus comparuisset, de mandato Illustrissimi D. Metropolitanani Cancell. alta voce hæc verba protulit. Reuerendi Domini, exeant omnes, præter procuratores Reuerendissimorum DD. Episcoporum absentium, & capitulorum. Et hæc eadem verba per Notarium vulgariter fuerunt prolata. & ita omnes exierunt, & fores clausæ sunt.

His ita peractis Reuerendi Promotores coram Illustriss. Metropolitanano assurgentes, protestati sunt neminem ex procuratoribus admittendum esse, nisi prius constet de mandato sufficienti: & rogeatur vota patrum, & dictum fuit ex communi voto recognoscenda esse à Iudicibus deputatis.

Postea instantiæ & decreta aliquot in prima sessione de more fuerunt lecta, vt infra dicetur.

Lectis supradictis omnibus, rogantur vota Reuerendissimorum Patrum his conceptis verbis super duobus Decretis, Reuerendissimi Patres, Decreta de Iudicibus querelarum, & de diebus Congregationum, placent ne vobis? & responderunt omnes vna voce, Placent. & Cancellarius retulit Illustrissimo Metropolitanano his verbis: Placuit Reuerendissimis Patribus: & de ipsius Illustrissimi Domini mandato dixit: Decreta modo lecta placuerunt Patribus, de eorum igitur assensu ita illa statuimus vt lecta sunt.

Quibus absolutis cum iam nox immineret, assurrexerunt omnes, & Illustrissimus Metropolitanus capite detecto statam precem, quæ in fine Congregationum recitari solet, vt sup. dictum est in initio, perorauit.

sessio prima.

**I**N nomine Domini, Anno à Natiuitate eiusdem millesimo quingentesimo octuagesimo secundo, Indictione decima, Pontificatus Sanctissimi Domini nostri Gregorii Decimi tertii anno decimo, feria quinta, quæ fuit quarto idus Maii, qui dies aperiendæ huic prouinciali synodo sextæ indictus fuerat, summo mane, hora scilicet decima iam indicta, Illustrissimus & Reuerendissimus in Christo Pater & Dominus D. Carolus &c. pluuiali & mitra pretiosiori ac baculo indutus, comitantibus infra scriptis Reuerendissimis Patribus DD. Episcopis comprouincialibus, scilicet Derthonensi, Cremonensi, Bergomensis, Brixienis, Astensis, Alexandrinensis, Albenis, & Intimilien. pluuialibus & mitris simplicibus indutis, ac Reueren. Capitulo Metropolitanæ, casulis & dalmaticis rubris pretiosioribus pariter indutis, reliquoq; clero Metropolitanæ, ac clericis Seminariorum præeuntibus, binis candelabris accensis, ac per eum D. Archiepiscopum incenso in binis thuribulis ad concremandum imposito, hoc ordine ex adibus Archiepiscopalibus discedens, ad Basilicam Metropolitanam solenniter processit, subsequenter prælatis ac protonotariis quamplurimis rochetis indutis, nobiliumque ac ciuium multitudine progrediente. In ingressu Metropolitanæ, in qua vniuersus clerus sæcularis & regularis pro solenni processione ad Sanctum Ambrosium conuocatus & congregatus erat, de more campanis omnibus & organo pulsatum est: & Illustrissimus Dominus ad altare progrediens, peracta prece ad faldistorium accessit ad sedem Pontificalem sub umbella, & fecit initium solenni officio horæ tertie: & dum alternis choris cantores psalmos de more canunt, ipse sandalia & dalmaticas induit cum pluuiali & cle-